

Skipulagsfulltrúi uppsveita Árnессýslu
Dalbraut 12
840 Laugarvatn

Reykjavík 16. apríl 2020
UST202004-114/A.B.
10.04.03

Efni: Lýsing - Deiliskipulag – Stórhólmi í Flóahreppi

Vísað er til erindis skipulags- og byggingarfulltrúa Flóahrepps er barst 14. apríl sl. Þar sem óskað er umsagnar Umhverfisstofnunar um lýsingu að deiliskipulagi fyrir Stórhólma í Flóahreppi.

Í greinargerð kemur fram að tillagan gerir ráð fyrir íbúðarhúsi, reiðhöll og hesthúsi, þar sem samanlögð stærð þessara mannvirkja skal vera allt að 2500m².

Vistgerðir

Umhverfisstofnun bendir á að samkvæmt vistgerðarkorti Náttúrufræðistofnunar Íslands (<http://vistgerdakort.ni.is/>) eru innan skipulagssvæðisins m.a. vistgerðirnar runnamýrarvist á láglendi og língresis- og vingulsvist sem eru með mjög hátt og hátt verndargildi og eru á lista Bernarsamningsins frá 2014 yfir vistgerðir sem þarfust verndar.

Í língresis- og vingulsvist getur verið ríkt fuglalíf og er algengt að varpfuglategundirnar; þúfutitlingur (*Anthus pratensis*), hrossagaukur (*Gallinago gallinago*), lóuþræll (*Calidris alpina*), spói (*Numenius phaeopus*) og stelkur (*Tringa totanus*) nýti slíka vistgerð til varps. Umhverfisstofnun bendir á að lóuþræll og spói eru ábyrgðartegundir Íslands.

Umhverfisstofnun telur mikilvægt að fjallað sé um vistgerðirnar á svæðinu í tillögunni og hvaða leiðir verði farnar til að draga úr neikvæðum umhverfisáhrifum á ofangreindar vistgerðir og búsvæði fuglanna. Umhverfisstofnun bendir á þann möguleika að raski verði haldið í lágmarki eins og kostur er og byggingareitir séu afmarkaðir í samræmi við verndargildi vistgerða svæðisins.

Fráveita

Umhverfisstofnun bendir á að öll fráveita skal vera skv. reglugerð nr. 798/1999 um fráveitu og skólp.



Axel Benediktsson
sérfræðingur

Virðingarfallst



Björn Stefánsson
sérfræðingur

Virðingarfallst

Axel Benediktsson

Axel Benediktsson